

四庫全書

集部

欽定四庫全書

集部
金石例卷一
一至六

詳校官監察御史臣劉人睿

主事銜臣徐以坤覆勘

總校官庶吉士臣倉聖脈

校對官中書臣朱忻

謄錄監生臣江緣

欽定四庫全書

集部九

金石例

詩文評類

提要

臣等謹案金石例十卷元潘昂霄撰昂霄字景梁號蒼崖濟南人官至翰林侍讀學士謚文僖是書乃至正五年昂霄子訓所刊一卷至五卷述銘志之始凡品級塋墓羊虎德政神道家廟賜碑之制一一詳考六卷至八卷

述唐韓愈所撰碑誌以為括例於家世宗族
職名妻子卒葬日月之類咸條列其文標為
程式九卷則襍論文體十卷則史院凡例也
昂霄是書既以金石例為名所述宜止於碑
誌而泛及襍文之格與起居注之式似乎不
倫又襍文之中其目載有郝伯常先生編類
金石八例蒼崖先生十五例二條皆有錄無
書九卷之末有跋云右先生金石例皆取韓

文類輯以爲例大略與徐秋山括例相去不遠若再脩錄似爲重複故止記其目于此然則最後二卷其始必別自爲編附之金石例後後人刊板乃併爲一書又知六卷至八卷所謂韓文括例者皆全採徐氏之書非昂霄所自撰矣其書述叙古制頗爲典核雖所載括例但舉韓愈之文未免舉一而廢百然明以來金石之文往往不考古法漫無程式得

是書以為依據亦可謂尚有典型愈于率意
妄撰者多矣乾隆四十四年二月恭校上

總纂官臣紀昀臣陸錫熊臣孫士毅

總校官臣陸費墀

金石例原序

金石例者蒼崖先生所述也凡碑碣之制始作之本銘志之式辭義之要莫不放古以為準以其可法於天下後世故曰例而其所以為例者由先秦二漢暨唐宋諸大儒皆因文之類以為例至夫節目之詳率祖韓愈氏大書特書不一書彪分眈列其亦放乎春秋之例也與甚矣先生有功于斯文也先生世居中州以文學鳴國初士之為文者猶襲纖巧其氣萎蕭不振先生患其久

而難變也乃述是書以授學者使其知古之為文如此
粲然畢舉如示諸掌故歷事六朝出入翰苑餘二十年
凡經指授者皆有法度朝野至今稱之至正四年春先
生之子敏中來為饒理官好賢下士文雅有父風其于
先生手澤尤加慎重以本之與於斯文也俾之次第而
讎校之刻之梓以永其傳嗟乎先生不以崇高自居而
加惠于後學敏中不以勢利相尚而盡力於遺書有子
如是先生為猶生矣後之人當知是書有功于斯文不

細也先生姓潘氏諱昂霄字景梁學者稱之曰蒼崖先生官至翰林侍讀學士通奉大夫謚文僖有蒼崖類稿若干卷云至正五年春三月鄱陽後學楊本序

聖人春秋褒貶著于筆削者謂之例國家政刑賞罰見于制度者謂之例是皆以其可為法于天下後世也濟南文僖潘公蒼崖先生取古昔碑碣鐘鼎之文提綱舉要條分類聚定為十卷名曰金石例一卷至五卷則述銘志之始而於貴賤品級塋墓羊虎德政神道家廟賜

碑之制度必辨焉六卷至八卷則述唐韓文括例而於家世宗族職名妻子死葬月日之筆削特詳焉九卷則先正格言十卷則史院凡例制度筆削于此又可以槩見焉使世之孝子慈孫觀其制度之等則思得為而為不得為而不為而于事親之道不至違禮矣觀其筆削之旨則思孰為可傳孰不可傳而於揚名之道有以自力矣是豈惟為文者之助于世教將重有補焉公之子敏中來官于饒出是書以示余因得以觀夫公之篤意

斯文而又喜斯文之有賢子以傳也遂為之引至正乙酉春三月望賜同進士出身將仕郎前慶元錄事鄱陽後學傅貴全序

文章先體製而後論其工拙體製不明雖操觚弄翰于當時猶不可况其勒于金石者乎陸士衡文賦論作文體製大略可見由先秦以來迄于近代金石之所篆刻具有體製好古博雅之士皆不可以不之考也然而自上徂下貴賤有等名器亦因之而異數叙事紀實抑揚

子奪必當有所法自非類聚而通考之何以見之哉翰
林蒼崖先生潘公雄文博學為當世所推嘗歷攷古今
文辭提綱舉要萃為一編名曰金石例凡為文之槩度
制器之楷式開卷瞭然其用心亦勤矣公之子敏中寶
其手澤罔敢失墜宦游四方必載與俱其在番禺復刊
是編以廣其傳且與吾黨共之噫公掌帝制司文衡其
所以藻飾太平者已無所不盡其忠敏中克承家學益
彰其親之美斯亦繼志述事之孝者乎忠孝萃于一門

文物昭于盛世使夫為人臣為人子皆有所矜式實有
功于名教豈特為文之助而已哉余故表而出之以冠
篇端云至正五年春三月饒州路儒學教授桐川後學
楊植翁序

三代無文人六經無文法儒者有是言也然春秋大義
數十以褒貶寓於一字之間傳者謂其發凡以言例皆
經國之常制周公之垂法諸稱書不書先書故書不言
不稱書曰之類皆所以起新舊發大義謂之變例至謂

發傳之體有三而為例之情有五然則謂無法可乎後世之文莫重於金石蓋所以發潛德誅姦諛著當今示方來者也如是而不知義例其不貽鳴吠之誚也幾希翰林蒼崖潘先生動必稽古取先代碩儒所為文類而集之題曰金石例視傳春秋者所言如合符節俾夫攷古者知古人用意之所在而學古者有所矜式而不敢肆其嘉惠斯文不其至于至正丁亥予忝教番禺公之子敏中為理官嘗屬郡士楊本端如緝其次第既已刻

于家而公諸人學之賓師景陽吳君旭子謙吳君以收
謂此書將歸中州則邦之人焉能一一而見之哉盍列
之學官以垂永久乃復加校正而壽諸梓於乎古人吾
不得而見之矣得見古文斯可矣明年戊子夏六月既
望廬陵王思明謹序

欽定四庫全書

金石例卷一

元

潘昂霄撰

碑碣之始

禮記檀弓下季康子之母死公肩假曰公室視豐碑

言

視者時借天子也豐碑斲大木為之形如石碑於椁前後四角樹之穿中於間為鹿盧下棺以絳繞天子

六絳四碑前後各重鹿盧也

三家視桓楹

註時借諸侯諸侯下天子也斲之形如大楹耳

四植謂之桓諸侯四絳二碑碑如桓矣大夫二絳二碑士二絳無碑

如石碑者禮廟庭有碑故祭義云牲入麗于碑儀禮每云當碑揖此云豐碑故知斲大木為碑也云於椁

前後四角樹之者謂椁前後及兩旁樹之角落相望故云非正當椁四角也云穿中於間為鹿盧者謂穿去碑中之木令使空於空間著鹿盧兩頭各入碑末云下棺以綽繞者綽即紼也人各背碑負紼末頭聽鼓聲以漸却行而下之素春秋天子有隧以羨道下棺所以用碑者凡天子之葬掘地以為方壙漢書謂之方中又方中之內先累椁於其方中南畔為羨道以蜃車載柩至壙說而載以龍輜從羨道而入至方中乃屬紼於棺之絨從上而下棺入於椁之中於此時用碑綽也又云以言視桓楹不云碑知不似碑形故云如大楹耳通而言之亦謂之碑也云四植謂之桓者案說文桓亭郵表也謂亭郵之所而立表木謂之桓即今之橋旁表柱也今諸侯二碑兩柱為一碑而施鹿盧故云四植謂之桓也周禮桓圭而為雙植者以一圭之上不應四柱但塚為二柱象道旁二木又宮室兩楹故雙植謂之桓也大夫亦二碑但柱

形不得麤大所以異於諸侯也

韻會舉要碑字

註說文豎石紀功德從石卑聲徐曰按古宗廟立碑以繫牲耳後人因於其上紀功德此碑字從石秦以來制也七十二家封禪勒石不言碑七十二家封禪之言始于管仲不言碑穆天子傳乃為名迹于弁茲石上亦不言碑也銘勒功德當始于宗廟麗牲之碑也又祭義麗牲疏賈氏曰官必有碑士昏禮聘禮入門當碑揖則大夫士廟內皆有碑鄉飲酒鄉射三揖則庠序之內皆有碑據祭則諸侯廟內有碑所以識日景觀碑景邪正以知早晚宮廟用石為之墓碑取懸繩絳暫時往來運載當用木而已喪大記註天子用大木為碑謂之豐碑諸侯樹兩大木謂之桓楹檀弓註鄭氏曰斲大木形如石碑於椁四角樹之穿

中為鹿盧下棺以絳繞天子六絳四碑諸侯四絳二碑士二絳無碑又釋名云碑被也葬時所設臣子追述君父之功以書其上徐曰劉熙言起於懸棺之碑者蓋合神道碑也初學記碑悲也所以悲往事今人

墓隧宮室之事

通謂之碑矣

事祖廣記云管子曰無懷氏封泰山刻石記功秦漢以

來始謂刻石曰碑蓋因喪禮豐碑之制也刻石當以

無懷為始而名碑自秦漢也

陸龜蒙笠澤叢書曰碑悲也古者懸而窆用木

書之以表其功德因留之不忍去碑之名由是而得自秦漢以降生有功德政事者亦碑之而又易之以石失其稱矣此又德政有碑之起也陸法言廣韻曰碑碣李斯造宜始于嶧山之刻爾釋名曰本葬時所

設臣子追述君父
之功以書其上

事祖廣記云古之葬有豐碑以定秦漢以來死有功業
生有德政者皆碑之稍改用石因總謂之碑晉宋之

世始又有神道碑天子及諸侯皆有之

其刻文止曰某帝或某官

神道之碑今世尚有宋文帝神道碑墨本也其初由
立之于墓兆之東南地理家言以東南為神道故以
名碑爾案後漢中山簡王薨詔為之修冢塋開神道
註云墓前開道建石柱以為標謂之神道是則神道
之名在漢已有之也晉
宋之後易以碑刻云

墓誌墓碑文辭各異

如云千歲之後陵谷變遷知其為
良吏之曠其勿毀焉又云兩嬪鴈

行同域也而不同藏之類止可施于墓內不可作碑
用如文詞有可通用則或為墓誌或為墓道之碑亦
可也但碑上不言誌字止曰
某官某人墓碑或云墓碣

墓誌之始

事祖廣記云炙轂子曰齊王儉云石誌不出禮典

石誌一作

木誌 按齊太子穆妃將葬議
立石誌 王儉曰石誌不出禮經

起宋元嘉中顏延之

為王琳

一作王彌

作石誌以其無銘誅故以紀行自爾遂

相祖習

然魏侍中繆襲改葬父母制墓下埋文將以
陵谷遷變欲後人有所聞知但記姓名歷官

祖父姻媾而已有德業則為銘文又隋代釀家於王
戎墓得銘云晉司徒安豐元公王君之銘有數百字

則魏晉已有其事不起於宋也馮鑑續事始云按西
京雜記前漢杜子春一作杜子夏臨終作文命刻石
埋于墓前恐墓誌因此始也子謂昔吳季札之喪孔
子銘其墓曰嗚呼有吳延陵季子之墓莊子衛靈公
葬沙邱掘得石椁銘曰不馮其子靈公奪而埋之唐
開元時人有耕地得比干墓誌刻其文以銅盤曰右
林左泉後岡前道萬世之寧茲焉是保漢滕公夏侯
嬰得定葬石銘曰佳城鬱鬱三千年見白日吁嗟滕
公居此室則墓之
有誌其來遠矣

碑碣制度

諸碑碣

其有皆須實錄不得濫有褒飾

五品以上立碑螭首龜趺二品

以上上高不得過一丈二尺五品以上上高不得過

九尺七品以上立碣圭首方趺上高四尺其執政官
以上聽立墳峯

三品以上神道碑碑於墓隧道之左面南立螭首龜

趺有依品從合得尺寸

見儀制今更欲檢之此未盡也

司馬公曰按今式墳碑石獸大小多寡各有品數

然葬

者當為無窮之規後世見此等物安知其中不多藏金玉耶是皆無益于亡者而反有害故今式又有貴得同賤賤不得同貴之文然則不若不用之為愈也

五品以下不名碑謂之墓碣圭首方座以上石人石

柱石羊石虎各有合得之數

墓誌制度

墓誌納之墓中樞前平放其狀如方石斗二底撮面平

而不凹大小無定制

上一斗於平面上大字題某官某人墓誌銘曾見古墓中

石誌制度如此又記上一斗止寫某人墓誌不書銘字下一斗上作小字書前一行刻云某官某人

墓誌銘并引或言有序或言并序後書序及銘刻畢以丹填之上下二斗字並用丹填二斗相合四

角以薄石片措起措石如錢大厚薄亦如之但要使二石實相壓着

家禮云下誌石

云墓在平地則於壙內近南先布甒一重置石其上又以甒四圍之而覆其上

若墓在山側峻處則於壙南數尺間掘地深四五尺依此法埋之

墓表制度

家禮云墳高四尺立小石碑于其前亦高四尺趺高尺

許按孔子防墓之封其崇四尺故取以為法用司馬公說別立小碑但石須濶尺以上其厚居三之二

圭首而刻其面如誌之蓋乃畧述其世系名字行實而刻于其左轉及後右而周焉婦人則俟夫葬乃立面如夫亡誌蓋之刻云

墓表石立於墓前

就地理定上題云某人之墓無文辭墓雖無碑者亦當立此石

石人羊虎柱制度

事祖廣記云炙穀子曰秦漢以來帝王陵寢有石麟辟邪兕馬之屬人臣墓有石人羊虎柱之類皆表飾墳

壠如生前儀衛

風俗通曰方相氏葬日入壙驅罔象罔象好食死人肝腦人臣不能備方

相乃立其象于墓側又罔象畏虎與栢故頂上栽栢路前立虎也盧思道西征記曰新城西有漢旌陽太守趙起墓有石柱東南有亭因名柱為表漢霍去病墓像祁連山立石人馬然則墓前之立石人柱羊虎之類皆起于漢也又唐王建北邙行云山頭澗底石漸稀盡向墳前作羊虎

金制諸葬儀一品官石人四事石虎石羊石柱各二事

二品三品減石人二事四品五品又減石柱二事

墓圖

古金石例云墓圖作方石碑先畫墓圖有作圓象者內

畫墓樣各標其穴某人其石嵌之祭堂壁上無祭

堂則嵌圍牆上

韓魏公父墓圖今有此石歲久臥之牆外

宗氏圖碣二一埋中宮之下一立中宮之上太原以墳

塋中心為宅神亦中宮之義也

祭堂瓦花頭皆寫云某氏千秋墓甄

亦然南陽宗資墓前人有得古花頭瓦其花頭刻云宗氏千秋今石刻在中州刺史宅凡祭堂二於

中宮左

右建

家禮云刻誌石

用石二片其一為蓋刻云有宋某官某公之墓無官則書其字曰某君某甫其

一為底刻云有宋某官某公諱某字某某州某縣人考諱某某官母氏某封某年月日生叙歷官遷

次某年月日終某年月日葬于某鄉某里娶某處某氏某人之女子男某某官女適某官某人婦人

夫在則蓋云有宋某官姓名某封某氏之墓無封則云妻無官則書夫之姓名夫亡則云某官某公

某封某氏夫無官則云某君某甫妻某氏其底叙年若干適某氏因夫子致封號無則否葬之日以

二石字面相向而以鐵束束之埋之壙前近地面三四尺間蓋慮異時陵谷變遷或誤為人所動而

此石先見則人有知其姓名者庶能為掩之也

諸墳塋地一品四面各三百步

長周不等者以積步折之餘准此

二品

二百五十步三品二百步四品五品一百五十步

六品以下一百步庶人

不叙使官餘條葬
無文者並准此

及寺觀

各三十步若經恩錫及山谷內已業荒田者不在

步數之限

古今碑石同異

漢碑有銘辭亦有無者今亦然

謂神道碑并墓碣有銘
辭者有無銘辭者今碑

碣亦
然也

墓碑無銘辭刻墓前石柱上亦有刻在碑上者

金石例卷一

欽定四庫全書

金石例卷二

元 潘昂霄 撰

金石文之始

周禮王功曰勲國功曰功民功曰庸事功曰勞治功曰
力戰功曰多凡有功者銘書于王之太常

禮記曰夫鼎有銘銘者自名也自名以稱揚其先祖之
美而明著之後世者也為先祖者莫不有美焉莫
不有惡焉銘之義稱美而不稱惡此孝子孝孫之

心也唯賢者能之銘者論譔其先祖之有德善功烈勲勞慶賞聲名列於天下而酌之祭器自成其名焉以祀其先祖者也顯揚先祖所以崇孝也身比焉順也明示後世教也夫銘者壹稱而上下皆得焉耳矣是故君子之觀於銘也既美其所稱又美其所為為之者明足以見之仁足以與之知足以利之可謂賢矣賢而勿伐可謂恭矣故衛孔悝之鼎銘曰六月丁亥公假于大廟公曰叔舅乃祖

莊叔左右成公成公乃命莊叔隨難于漢陽即宮
于宗周奔走無射啟右獻公獻公乃命成叔纂乃
祖服乃考文叔興舊耆欲作率慶士躬恤衛國其
勤公家夙夜不解民咸曰休哉公曰叔舅子女銘
若纂乃考服悝拜稽首曰對揚以辟之勤大命施
于烝彝鼎此衛孔悝之鼎銘也古之君子論讓其
先祖之美而明著之後世者也比其身以重其
國家如此子孫之守宗廟社稷者其先祖無美而

稱之是誣也有善而弗知不明也知而弗傳不仁也此三者君子之所恥也昔者周公旦有勲勞於天下周公既沒成王康王追念周公之所以勲勞者而欲尊魯故賜之以重祭外祭則郊社是也內祭則大嘗禘是也夫大嘗禘升歌清廟下而管象朱干玉戚以舞大武八佾以舞大夏此天子之樂也康周公故以賜魯也子孫纂之至于今不廢所以明周公之德而又以重其國也

春秋左氏傳曰季武子以所得於齊之兵作林鍾而銘魯功焉臧武仲謂季孫曰非禮也夫銘天子令德諸侯言時計功大夫稱伐今稱伐則下等也計功則借人也言時則妨民多矣何以為銘且夫大伐小取其所得以作彝器銘其功烈以示子孫昭明德而懲無禮也今將借人之力以救其死若之何銘之小國幸於大國而昭所獲焉以怒之亡之道也

國語曰昔克潞之役秦來圖敗晉功魏顆以其身却退

秦師於輔氏親止杜回其勲銘於景鐘

克勝也魯宣十五年

六月癸卯晉荀林父將臧赤翟潞氏七月秦桓公伐晉次於輔氏晉景公治兵以畧翟土及潞魏顆

敗秦師於輔氏獲杜回景鐘景公鐘

碑式

碑式之可法者固多舉其一二以為式後皆放此當類推之

衢州徐偃王廟碑

韓退之

平淮西碑

曹成王碑

南

海神廟碑

處州孔子廟碑

柳州羅池廟碑

黃

陵廟碑

箕子碑

柳子厚

道州文宣王碑

柳州文宣

王碑 終南山祠堂碑 太白山祠堂碑 湘源二

妃廟碑 饒娥碑 南霽雲睢陽廟碑 后土神祠

碑張說唐天下放生池碑顏真卿禹穴碑鄭表忠觀碑燕

瞻潮州韓文公廟碑 伏波將軍廟碑 壽域碑王元

之四皓廟碑 披雲堂碑馬子才東平行臺巖公祠堂

碑元道山祭孤魂碑杜止軒文子廟碑郝伯常漢高祖廟碑

漢光武廟碑 處士管寧廟碑

碑陰文式

碑陰文

柳子厚

碑陰記

大明碑陰

先友記

處州

孔子廟韓文公碑陰記

杜牧

德政碑之始

事祖廣記云自秦漢以來死有功業生有德政者皆記之稍改用石因總謂之

碑

德政碑式

明州王密德政碑

李舟

易州刺史田仁琬德政碑

蘓靈芝

高陵縣令劉君德政碑

劉禹錫

墓碑式

清邊郡王楊燕竒碑文

韓退之

權公墓碑

劉統軍碑

王黃華墓碑

元遺山

寄菴先生墓碑

費縣令郭明府

墓碑

宣武將軍孫君墓碑

神道碑之始

事祖廣記云晉宋之世始又有神道碑天子及諸侯皆有之其刻文止曰某帝

或某官神道之碑今世尚有宋文帝神道碑墨本也其初猶立之於墓北之東南地理家言以東南

為神道若神靈出遊道之意故以名碑爾唐李夷簡臨終教無碑神道

神道碑式

唐銀青光祿大夫守右散騎常侍致仕上柱國襄陽

郡王平陽路公神道碑銘

韓退之

唐故河東節度觀察使

滎陽鄭公神道碑文

唐故中散大夫少府監胡良公

墓神道碑

唐故江南西道觀察使贈左散騎常侍太

原王公神道碑

司徒兼侍中中書令贈太尉許國公

神道碑銘

潮州長城縣令崔孚神道碑

白樂天

平章政

事壽國張公神道碑

元遺山

沁州刺史李君神道碑 內

相文獻楊公神道碑

轉運使王公神道碑

朝散大

夫胡公神道碑

禮部尚書趙公神道碑

內翰馮公

神道碑 國子祭酒馮公神道碑銘 東平行臺嚴公

神道碑 兪虎公神道碑 刺史馬公神道碑銘 康

公神道碑銘 劉氏先塋神道碑 完顏公神道碑

畢侯神道碑銘 千戶趙君神道碑

家廟碑式

立家廟自有品從

唐人三品以上得立餘不得立碑與墓碑制度同曾見永寧縣西寺有文

潞公家廟碑是司馬溫公撰制度與墓碑同其陰今磨之刻寺記矣家廟碑立之家廟前

司馬溫公撰文潞公家廟碑

其略云公以廟制未備不敢作主用晉荀安昌公祠

制作神板采唐周元陽議祀以元日寒食春秋分
冬夏至致齋一日又以或受詔之四方不常其居
乃酌古諸侯載逸主之義作車奉
神板以行此皆禮之從宜者也

先廟碑式

烏氏廟碑銘

壬辰詔用烏公為銀青光祿大夫河陽
軍節度使兼御史大夫封張掖郡開國

公居三年河陽稱治詔贈其父工部尚書且曰其以
廟享即以其年營廟于京師崇化里軍佐竊議曰先

公既位常伯而先夫人無加命號名差卑于配不宜
語聞詔贈先夫人劉氏沛國太夫人八年八月廟成

三室同宇祀自左領府君而下
作主于第乙巳升于廟

魏博節度觀察使沂國

公先廟碑銘

田宏正始有廟京師謹案魏博節度使
銀青光祿大夫檢校工部尚書兼魏州

大都督府長史御史大夫沂國公田宏正北平盧龍
人故為魏博諸將忠孝畏慎田季安卒其子幼弱用
故事代父人吏不附迎宏正於其家使領軍事宏正
籍其軍之衆與六州之人還之朝廷悉除河北故事
比諸州故得用為帥已而復贈其父故滄州刺史兵
部尚書母夫人鄭氏梁國太夫人得立廟祭三代曾
祖都水使者府君祭初室祖安東司馬贈
襄州刺史府君祭二室兵部府君祭東室
袁氏先廟
碑 袁公滋既成廟明歲二月自荆南以旂節朝京師
留六日得壬子春分率宗親子屬用少牢于三室
既事退言曰嗚呼遠哉維世傳德襲訓集余乃今有
濟今祭既不薦金石音聲使工歌詩載烈象容其奚
以飭雅昧于長久惟敬繫羊豕幸有石如具著先人
名跡因為詩繫之語下于義其可雖然余不敢必屬
篤古而達于辭者遂以
命愈已上係韓退之

丞相崔圓廟碑

始立廟洛邑
曰考廟王考

廟皆二丈有七從四尋衡八尋二戶立楹外垂四阿
巧瑱彩繪施以丹雘齋室燹室庭垣稱之禮曰以

勞定國則祀之能禦大災則祀之能捍大患則祀之
是宜廟食以銘于鼎古者諸侯立五廟有鼎與樂

有國之制侯伯有爵而無土廟有鼎祭樂不克南康
立五廟而立三廟不銘于鼎而銘于碑韓雲卿

郡王韋臯先廟碑萬物本乎天人本乎祖乃立宗廟
以交神明古者揚其功烈銘于

祭器近古以魯鐘衛鼎追琢先德不若鏤文字
于麗牲之碑之為詳也乃謹而書之權載之丞相

代國公王涯先廟碑唐制五等有爵服而無山川登
于三事得立四廟備物崇祀以

交神明敬先報本以輔孝治有國之令典也唯長慶
三年前相國王公始卜廟于西京崇業里公時鎮劍

南東川上章曰臣涯官秩印綬品俱第三請如式以
奉家廟制曰可足歲仲冬申命長男孟堅祔其主于

三室明年公入為御史大夫復以十一月親行烝嘗
間歲公出梁州就拜司空禮崇數異廟加祀室太和
二年增新室既成祔顯考彭陽郡公令狐楚先廟碑
于尊位告饗由禮劉禹錫
今上元年七月具官令狐公西嚮拜章上言守臣楚
蒙被恩深列于元侯得立家廟以奉常祀制書下其
奏于有司于是善相考祥得地于京師通濟里居無
何新廟成公以守藩故申命季弟監察御史定卜牲
練日越八月丁亥祔饗三室埴墉以尚幽
設帷以迎精理無尤違神用寧謚劉禹錫
右僕射趙
郡李紳先廟碑
王建侯建廟廟有器器有銘所以
論譏先德明著後代或書于鼎或文
于碑古今之通制也
齊沐祇慄拜章上言請立其
廟以奉常祀于是得請于天子承式于有司是歲某
月某日經始于東都明年某月某日有事于新廟
外盡其物內盡其志三獻百順神格禮成白樂天

先塋先德昭先等碑之始

蒼崖先生曰先塋先德昭先等碑例似與神道碑墓誌

碑不同

先塋先德昭先等碑創業于國朝已前唐宋金皆無之所書三代并妻子例似與神

道墓誌不同也

先塋先德昭先等碑式

安肅郝氏先塋之碑

宣差五路萬戶郝侯和尚貞祐今年夏五月侯朝行闕對于

幄殿者餘七十日且以上廐馬二西域馬三彤弓四鎧胄三金錦三并金虎符錫之夫人劉氏亦拜雙錦之賜按郝氏安肅人葬于縣之元兔鄉千秋里者不知幾昭穆矣曾大父諱廣資善良有陰德聞里中

年八十三遇異人教之良禁齒髮更生又十年乃終
妣曰劉氏大父諱全任俠尚氣勇于赴難有朱家郭
解之器妣曰田氏生二子侯之父諱增氣節豪宕人
多歸之不幸蚤世妣曰孫氏從上三世皆潛德不耀
獨叔父彥自承平時以貲為恩州酒務使次令安肅
迄今康寧壽考坐饗榮養歲時問安孫息滿前邾宗
陽報之慶斯濫觴也雖侯襲已積之善擁方來
之福而生子如此祖考可以無恨矣元遺山 大丞

相劉氏先塋神道碑

謹按劉氏世居宣德縣北鄉之青魚里孝弟力田蓋有年矣曾

大父雲自遼日為大家有子四人曰璋曰瓊曰珪曰
瓚珪之子四人顯仁字仲明祖仁字仲昌用仁字仲
至體仁字仲康仲至府君即公之考也公家故大族
府君娶同鄉李氏生三子長敦字德厚季劼字德
信皆無祿早世公共第二子也自大父以來不常厥
居有其先塋止于青魚西北原而已 夫忠以報國

孝以起家立身行道之義彰慎終追遠之德厚不有金石後裔何觀乃為之銘公名某字德柔以小字某

行八子某其長

歸德府總管范陽張公先德碑

范陽張公

已襲世爵云

漢臣遣其叅佐陳玠李侃侯珩自曹南走書幣及子于順天書謂子曰子良不敏爰自束髮以良家子隸軍籍轉戰南北將四十年馮藉先世積善之舊生還鄉國乃辛丑某月得用侯伯之服之禮展省墳墓考之令甲諸任及通貴廟與墓俱有碑應用螭首龜跌之制竊不自揆度思得文士之見信于人者誤述之維張氏族出范陽其家于縣東仇家里者不知其幾昭穆矣自公曾大父甲而下皆隱德不耀大父臣甫資稟高亮壽八十有七怡然坐逝祖妣王氏李氏生子三人其季諱珪純質有父風明昌壬子之夏三水泛濫漂壞廬舍至于丘隴亦為湮沒珪與長女李乘船筏百計訪求僅得祖考遺骸于泥淖之下其

瀕于死者屢矣妣宋氏慈仁勤儉孝于舅姑生子二人長即公次曰子明仕為鄜州洛郊主簿母有前識謂公材幹特達後當貴顯常戒之母妾殺以仁愛為懷墓故在三水之陽懲創水禍改卜其陰乃在所居之西南原見于辛丑新阡者特二世耳初大安兵興公以材選為軍中千夫長故子既論次其先德并以公出處附之欲人知張龍山趙氏新塋之碑歲癸氏所以起其宗者蓋如此十月先太師以王爵統諸道兵長驅而南癸卯冬十月侯介于同官李推川周才卿為子言吾趙氏世居保塞以仕遷大梁五代末有諱匡穎者官至靜江軍節度使兼桂州管内觀察使弟匡衡及八世孫襄登仕于宋皆至通顯金朝兵破大梁吾家倒為兵所驅盡室北行至龍山遂占籍焉雖譜牒散亡而其見于祖塋石誌者蓋如此振玉之曾大父坤隱田間致貲巨萬娶王氏生大父憲資侗儻好施予人多以急

難歸之娶馬氏生于八人吾父琳其第四子也幼出
大家頗以裘馬自喜由大父而上皆葬鄉里振玉
之考妣兵亂中權厝縣西佛寺比避兵還而寺屋被
焚遂失藁殞所在乃用故事卜于平棘縣西北鄉
蕪村里之南原為顯考衣冠之藏日者室人冀氏物
故因從祔焉維遠祖自保塞遷大梁既無歲月可考
自大梁遷龍山則僅能志之今南原卜宅亦吾趙宗
之大舉不勒之金石以昭示永久後世其謂我何誠
得吾子辱以文賜之為

下邳劉氏先德碑銘

下邳劉氏其先

幸多矣敢再拜以請

世皆滄人自總管而上其世系名諱與其仕宦可知
者凡四世高祖父諱辛仕金官至顯武將軍軍資庫
使符離縣尉升下邳令子二人長曰思誠次曰思謙
業儒術有子二人曰元曰珍元早卒珍字子玉年
八十二以壽終配樂氏潘氏子二人曰榮曰顯其一
早卒皆樂氏所出榮字德茂至元十一年正月卒

享年七十有六配邢氏子男二人長曰源承事郎樂安州判官娶徐氏子男二人曰某次即總管傑也娶謝氏前卒繼娶郭氏靈壽縣尹敏之女子男七人傑字漢卿自曾大父以上皆葬下邳巨山之陽自祖父以下皆葬益都今將補松楸之闕展拜掃之儀願得子之文刻之貞石乃為次第其世數事跡而

繫之以銘

彰德總管孫公先塋碑銘

公之曾大父某娶何氏四子慶

祐慶文慶元祿和慶元則公之大父也娶趙氏有婦德二子威平平早世威即公之考也年若干終于某官杜氏年八十八下及五世孫疾公率其子拱振等諸孫謙諧誼等以聞然而公未老事業尚未既而拱有才氣謙既能以世其業云予他日懷孟萬戶劉又可以考其淺深厚薄於此也劉夢吉

公先塋碑銘

按顯曾祖考諱德安隱居不仕妣張氏楊氏顯祖考祁陽府君諱寶資幹奇偉

氣畧過人 享年若干妣李氏楊氏姜氏顯考蒲陰府君諱世鳴不避矢石竟被創而廢享年若干妣齊氏張氏三世皆葬祁州蒲陰之北鄉 麗氏墓道先德百長原其家宗支則有圖列碑陰

碑銘

曾祖其次居十然以次推十曾外二伯曾則兄猶七人其下有季叔無耶昆弟耶從父從祖之

昆弟耶所不可知姑計是十家子孫將不百人而止咸盡于賊惟十曾一子祖府君諱智者存 考府君生六年當至元改明年巳丑夏五月二十有八日以卒年七十七 考府君即墳喪之仲應亦卒 仲温

以他求出異以九年戊辰十一月二十有七日卒年止四十七從葬先塋諸姑四人皆歸鄉人詠昆仲二人合仲父季父子各四人為十人輟銀符由同提舉典州採木司主沼水簿卒子文抑文振詠子文括文播承顏合諸父之子男十 鄒平賈氏昭先之碑 賈氏二人女十一人姚牧菴 世為

濟南鄒平人祖諱某以敦敏自尚二子長諱某次諱某尚書君父也卒年六十四配王氏癸巳三月二十日年七十卒二子曰馴致道君曰某以字顯監濱州稅孝友有為四女長適王氏次李氏次段氏次王氏皆濟南盛族劉中菴

賜碑名號之始

退朝錄云唐太宗自撰魏元成碑德宗亦撰段秀實碑本朝太宗撰中令趙公碑皇祐中王侍郎子融守河中還乃以唐明皇所題裴耀卿額上之仁宗遂御篆賜沂公碑曰旌賢

賜碑名號式

旌賢王沂公碑 懷忠呂許公碑 顯忠李忠武公

碑 旌忠寇萊公碑 全德元老王太尉碑 教忠

積慶文潞公父洎碑 親賢李侍郎用和碑 褒親

齊國獻穆公主碑 旌功曹襄悼碑 崇儒丁文簡

碑 舊覺晏元獻碑 舊德張鄧公碑 顯先積慶

趙中令子鼎昭碑 旌忠懷德張侍中耆碑 儒賢

高文莊碑 思賢李相沆碑 褒賢范文正公碑

旌忠元勳狄忠襄碑 褒忠陳恭公碑 清忠王武

恭碑 純孝張文孝碑 忠規德範宋元憲碑 淳

德守正呂文穆碑 大儒元老賈公碑

金石例卷二

欽定四庫全書

金石例卷三

元 潘昂霄 撰

碣式

國子司業陽城遺愛碣

公名城字亢宗家于北平隱于條山惟公端粹冲和高嶷

懿醇道德仁明孝愛友悌薰襲里閭布聞天下守節貞固患難不能遷其心怡性坦厚榮位不足動其神為司諫義震于周行為司業愛加于生徒宜乎立石俾後是憲具辭曰惟茲陽公履道葆醇爰初隱聲覆簣基仁德充而形乃作諫臣抗忠勵義直道是陳帝求師儒貳我成均開朗蒙滯宣明德教大和潛布玄機密照羣生聞禮後學知孝進退作則動言是効匪公之軌人用奚蹈麤厲貪凌待公順之欺偽謫詐侍

公信之少年申申咸適其宜榎楚廢弛尊嚴而威公
乘其良俾升于堂廡者既肥榮如衮衣公棄不用懲
咎內訟既訟于內猶公之誨匪仁孰親匪德孰尊今
公于征孰表儒門生徒上言稽首帝閣謂天蓋高曾
莫我聞青衿涕濡填街盈衢遠逸于南望慕蹈
澌立石書德用揚懿則嗚呼斯文遺愛罔極 故御

史周公碣

有唐貞臣汝南周氏諱某字某以諫死葬
于某貞元十二年柳宗元立碣于其墓左

在天寶年有以諂諛至相位賢臣放退公為御史抗
言以白其事得死于墀下史臣書之公之死而佞者
始畏公議 銘曰忠為美道是履諫而
死佞者止史之志石以紀為臣軌兮 故秘書省校

書郎獨孤君墓碣

嗚呼有唐仁人獨孤君之墓祔于
其父太子舍人諱助之墓之後自

其祖贈太子少保諱問俗而上其墓皆在霸水之左
今王父營陵于其側故再世在此君諱申叔字子重

年二十二舉進士又二年用博學宏詞為校書郎又三年居父喪未練而沒蓋貞元十八年四月五日也是年七月十日而葬鄉曰某鄉原曰某原柳子厚

墓碣式

故兵部郎中楊君墓碣

君諱凝字懋功貞元十九年正月某日守尚書兵部郎

中楊君卒某月日葬于奉先縣某原既葬其子姪洎家老謀立石以表于墓葬令曰凡五品以上為碑龜跌螭首降五品為碣方跌圓首其高四尺按郎中品第五以其秩不克僭降而從碣之制其世系則紀于大墓柳

故萬年令裴府君墓碣

公諱瑾字封叔河東聞喜人太尉公諱行

子厚
儉實高祖侍中公諱光庭實曾祖刑部員外郎府君諱稹實祖大理卿府君諱儼實父冢子銑奉樞以

明年月日克葬于墓銑以文書來柳州告
其叔舅宗元願碣于墓左則涕為之銘

墓誌式

故尚書戶部郎中魏府君墓誌

魏氏世墓于某縣某原唐興有聞士諱之

過者與子及孫咸舉進士嗣為儒家綿州涪城尉諱
全瑤魏州臨潢主簿諱欽慈太常主簿諱紕尚書膳
部員外郎兼江陵少尹諱萬成凡五代名高而不浮
于行才具而不得其祿江陵府君益之以闕達之量
經緯之謀故豪士賢大夫痛慕加厚生郎中府君諱
宏簡字曰裕之以文行知名監察御史柳宗元聞
其道而玩其文也久居又
同開故哀而銘之柳子厚

故朝散大夫永州刺史崔

公墓誌

維元和五年九月十五日壬子永州刺史崔
公薨于位享年六十八乙未殯于路寢景寅

遷神于舟以某年某月日歸葬于某縣某原祔于皇
考吏部侍郎贈戶部尚書府君之墓 公前夫人徐

州叅軍榮陽鄭鉅女有子曰義和早夭後夫人萬年
尉范陽盧彤女嘉淑之德繼聞宗族有子曰貽哲貽

儉克承于家泊公之兄子曰勵 安南都護張公誌 公
曰禮誠願誌于墓無忘公之德

舟字某某郡人也曾祖彥師朝散大夫尚書駕部郎
中祖瑾懷州武德縣令考清朝議郎試大理寺丞贈

右贊善大夫咸有懿美積為餘慶公以忠肅循其中
以文術昭于外推經旨以飾吏事本法理以平人心

優詔累旌其忠良太史嗣書其功烈就加國子祭
酒封武城男食邑三百戶凡再策勲至上柱國三增

秩至中散大夫某年月薨于位年若干天子震悼傷
辭有加明年其孤某官與宗人號奉裳帷率其家老

咨于叔父延唐令某卜宅于潭州某原葬用某月某
日人謀皆從龜兆襲吉乃刻茲石著公之闕以志于

邱寯以告邕州刺史李公諱位字某實惟文皇於幽明

為皇太子以藩愛逼奪危慄致禍後封恒山為愍王

贈荊州大都督繼別曰象斬春郡太守贈越州大都

督郇國公太宗曰玘太子詹事贈秘書監生廩尚書

左丞凡四代有土田居貴任公玉承之以率南服克

荷天休繼有功德嘗合汞硫黃丹砂為紫丹能入

火不動以為神服之且十年然卒以是病暴下赤黑

數日薨實元和十三年六月十五日年五十七僚宰

庀事有縱五兩無金銀泉貝幾不克斂夷人號呼致

幣歸以明年月日葬祔其貴州刺史鄧君誌君諱某

穆長安西南高陽原上

陽人漢司徒禹之後也曾祖倚皇連州普城令祖少

立皇滄州司馬考邕皇左武衛兵曹參軍惟君敏給

以御下庶忠以承上幹蠱之稱洽于諸侯信謹之跡

彰于所蒞故自始仕以至沒世未嘗無聞焉始由

湖南為江西再以君為從事知之最厚痛君之能不
施于劇任惜君之志見屈于羣疑且以誌授宗元使
備其闕古者觀其所使而知在上之德今也
觀其所使而知在下之誠嗚呼可無辭乎
桂管防

禦副使呂公誌

呂氏世居河東至延之始大以御史大夫為浙東道節度大使延之生渭

為中書舍人尚書禮部侍郎刺湖南七州生四子溫
恭儉讓以溫為尚書郎再贈至右僕射恭字敬叔他
名曰宗禮或以為字實惟呂氏宗子尚氣節有勇畧
不事小謹讀從橫書理陰符握機孫子之術曰我師
尚父胄也 不幸溫刺衡州年四十卒恭未及理人
年三十七又卒世固有有其具而不及其用若溫恭
者耶恭貌竒壯有大志信善容物宜壽 柳州司馬孟
考碩大而又不克呂氏之道惡乎興

柳州司馬孟

公誌

常謙 孟氏之孤曰遵慶奉其父命書九篇為
善狀一篇來告曰月日君薨月日將葬于某敢

請刻辭 惟公志專于中貌嚴于外常立廷中毅然望之若圖形刻像聞國難輒不寢食謀度憤吒以故病不可治曾祖某官諱某祖某官諱某父某官諱某公之諱曰常謙子遵慶弟曰某 **故試大理**

評事裴君誌

裴氏之昭曰贈戶部尚書諱某穆曰起居郎諱某生均州刺史諱某均州與其

弟大理更為刑部郎用文史名于朝善杜禮書長子曰某射進士策不中去過汴韓司徒宏迎取為從事以聞拜太子通事舍人進大理評事當伐蔡及鄆汴常為軍首贊佐有勞既事將侍太夫人于京師道發疽元和十四年月日終于河南敦厚里年若干字曰某弟某以其喪歸葬于某縣某里未果娶有男子二人女一人男之長曰 **大理評事柳君誌** 晉之亂柳氏某通兩經始杖且廬始分曰耆為汝南守居河東又五世曰慶相魏魏相之嗣曰旦仕隋為黃門侍郎其小宗曰楷至于唐刺濟房蘭廊四

州楷生夏縣令府君諱繹繹生司議郎府君諱遺愛
皆葬長安少陵原遺愛生御史府君諱開葬南陽其
嗣曰寬字存諒讀其世書揚于文辭卒于公館元和
六年八月七日也年四十七今將以某月日祔葬
苟又不得令辭而誌焉是無以蓋前人之大痛敢固
以請嗚呼余懼辭之不令以為神羞余曷敢不諾

祕書郎姜君誌

祕書郎姜粦字某開元皇帝外孫也始楚國公皎與上游益貴幸子慶初

得尚某公主生粦粦生三日上曰他物無以餉吾孫
即勅有司以第六品告與緋衣銀魚得通籍出入凡
名是官七十餘年終不徙元和十四年月日終桂
州都督御史中丞裴公曰噫帝戚也莫不可以廉為
具物祭以豚酒月日葬州東南
一里于某年若干母曰雷姬
襄陽丞趙君誌
貞元十八

年月日天水趙公矜年四十二客死于柳州官為歛
葬于城北之野矜之父曰漸南鄭尉祖曰倩之鄆

州司馬曾祖曰弘安金紫光祿大夫國子祭酒始於由明經為舞陽主簿蔡帥反犯難來歸擢授襄城主簿賜緋魚袋後為襄陽丞其墓自曾祖以下皆族以位時宗元刺柳用相其事哀而旌之以銘溫縣

主簿韓君誌

有唐故溫縣主簿韓慎字某漢弓高侯其先也徙于南陽貞元十六年又調

于天官署河陽丞未拜十有一日暴病卒于長安永崇里先人之廬又十有一日龜策襲吉祔于咸陽洪

瀆原先人之墓東明張先生誌

東明先生張氏曰因嘗有以文薦于天子天子策試甚高

以為長安尉一年投去印綬願為黃老術詔許之病既亟以命回曰吾生天寶訖貞元乙酉歲十月今死于汝之手盈吾志矣京師吾生也畢原先人之歸也必以返葬乃自為誌而卒明年正月某日葬如其言弟子某等為太府李卿外婦馬淑誌氏曰馬字曰淑碑以誌其墓生廣陵母曰劉

容倡也。淑之父曰總，既孕而卒，故淑為南康。詎者李君為睦州，詆狂寇，見誣左官，為循州錄過而慕焉。納為外婦，偕竄南海，上及移永州，州之騷人多李之舊。日載酒往，馬聞其操鳴絃，為新聲，撫節而歌，莫不感動。其音美，其容以忘其居之遠，而名之，辱方幸。其若是也。元和五年五月十九日，積疾卒于湘水之東。葬東岡之北。垂

朗州員外司戶薛君妻崔氏墓誌

唐永

史博陵崔簡女，諱媛，嫁為朗州員外司戶河東薛巽妻。三歲知讓，五歲知戒，七歲能女事，善筆，劉讀書通古今。其暇則鳴絃，桐諷詩，騷以為娛。始簡以文雅清秀重于當世，其後病感得罪，投驩州。諸女蓬垢涕號，柳氏出也。以叔舅命歸于薛，元和十二年五月二十八日，既乳病，肝氣逆，肺牽拘左腋，巫醫不能已。期月之日，潔服飾容而終。年若干某月日，遷柩于洛某月日，祔于墓在北邙山南洛水東。

墓誌式

董府君墓誌

公諱溪字惟深丞相贈太師隴西恭惠公第二子十九歲明兩經獲第有司沉

重精敏未嘗有子弟之過賓接門下推舉人士侍側無虛口退而見其人淡若與之無情者太師賢而愛

之除名徙封州元和六年五月十二日死湘中年

四十九公之母弟全素孝慈友弟公坐事棄同官令

歸公歿比葬三年哭泣如始喪者大臣高其行白為

太子舍人將葬舍人與其季弟澣問銘于太史氏韓

愈愈則為之處士裴君墓誌河東聞喜裴君諱某字

銘韓退之某好學未仕年若干元和十四年

和十四年月日終于京兆渭南塋君之弟中丞公督

桂州命其僚柳宗元以銘君之出河間邢羣以狀來

告曾祖諱某寧州刺史贈戶部尚書祖諱某起居郎

父諱某尚書刑部員外郎是年月日葬渭南某里

遷韋夫人之喪自萬年志從父弟宗直殯從父弟宗直生剛健

來有俟猶異室柳子厚好氣自字曰正夫聞人善立以為已師聞惡若已讐見佞色諛笑者不忍與坐語善操觚牘得師法甚備融液曲折奇峭博麗知之者以為工作文辭淡泊尚古謹聲律切事類誤漢書文章為四十卷是月二

十四日出殯城西北若干尺死伯祖妣趙郡李夫人七日矣俟吾歸與之俱志其殯

墓誌銘

夫人姓李氏辯族氏者曰趙郡贊皇之東祖祖某為某官父冲為單父尉夫人生于良族

嶷然殊異及笄德充于容行踐于言高朗而不傷其柔嚴恪而不害其和特善女工翦製之事又能為雅琴秦聲操縵之具婦道既備宜為君子之配偶焉我伯祖臨邛令府君諱某受夫人于李氏之廟而歸于正室諸姑合以為斯志以從人之道內夫家外父母家且又葬于我志于我故叙柳氏為備

戶部

郎中魏府君墓誌

魏氏世墓于某縣某原唐興有聞諱之過者與子及孫咸舉進士嗣

為儒家綿州涪城尉諱全瑤魏州臨潢主簿諱欽慈太常主簿諱緄尚書膳部員外郎兼江陵少尹諱萬成凡五代名高而不浮于行才具而不得其祿江陵府君益之以閎達之量經緯之謀故豪士賢大夫痛慕加厚生郎中府君諱宏簡字曰裕之以文行知名由是處約以終其世既歛家宰庀其政視廩惟釜鍾視藏惟束帛無餘積焉十有一月遣車歸于洛師某日祔于墓監察御史柳宗元聞其道而玩其文也久居又同閑

亡姊裴君夫人墓誌

柳氏至于唐其著者中書令諱奭中

書之弟之子曰徐州府君諱某實有孝德世其家業清池府君諱某繼之以茂實德清府君諱某承之以善政以至于侍御史府君諱某用貞信勁正達于邦家克生賢女以配于裴氏其年八月十八日甲子

安厝于長安縣之神禾原從于先塋祔于皇姑宜也
母弟號哭而為之志 嗚呼至哀無文至敬不飾故

無其 辭 亡妻宏農楊氏墓誌 皇司勳郎中諱某高祖

殿中侍御史諱某殿中生醴泉縣尉諱某醴泉生今
禮部郎中凝代濟仁孝號為德門郎中娶于隴西李

氏生夫人 及許嫁于我柔日既卜乃歸于柳氏
遂以九月五日庚午克葬于萬年縣棲鳳原從先塋

禮也是歲唐貞元十五年龍集己卯為之誌云

葬誌式

馬室女雷五葵誌

馬室女雷五父曰師儒業進士雷
五生巧慧異甚凡事絲縷文繡不

類人所為者余睹之甚駭家貧歲不易衣而天姿潔
清脩嚴恒若簪珠璣衣紉穀粟然不易為塵垢雜年

十五病死死後二日葬永州東郭東里以其姨母為
妓于余也將死曰吾聞柳公嘗巧我慧我今不幸死
矣安得公之文志我葬其父母不敢以云葬之日余
乃聞焉既而閱焉以攻石之後也遂為砂書玄甄追
而納諸墓
柳子厚

殯誌

志從父弟宗直殯

已見墓誌
柳子厚

權厝誌式

刺史崔君權厝誌

博陵崔君由進士入山南西道節
度府始掌書記至府留後凡五徙

職六增官至刑部員外郎出刺連永兩州未至永而
連之人愬君御史按章具獄坐流驩州幼弟訟諸朝

天子黜連帥罷御史小吏咸死投之荒外而君不克復元和七年正月二十六日卒夫人河東柳氏德

碩行淑先崔君十年卒其葬在長安東南少陵北君以竄沒家又有海禍力不克祔三年將復故葬也徒

志其一二大者云柳子厚**亡姑渭南縣尉陳君夫人權厝誌**唐貞元十

七年九月六日甲子前渭南縣尉潁川陳君之夫人河東柳氏終于平康里將終告于陳君曰吾生四十

有四年為陳氏介婦九年謹飾不怠以至此命也嘗謂君宜有貴位而不克見執親之喪不得終紀皆

天譴之大者也且願殺禮以成吾私適先夫人之墓而窆我焉將俟君之不諱而歸復于正其可也陳君

乃卜十二月十八日權厝于**連州司馬凌君權厝誌**城南原曰棲鳳如夫人之志

年月日尚書都官員外郎和州刺史連州司馬富春凌君諱準卒于桂陽佛寺執友河東柳宗元哀君

有道而不明白于天下離慙逢尤天其生且又同過故哭以為志其辭哀焉

歸祔誌式

先太夫人歸祔誌

先夫人姓盧氏諱某世家涿郡壽

五月十五日棄代于永州零陵佛寺明年某月日安祔于京兆萬年棲鳳原先侍御史府君之墓其孤有罪銜哀待刑不得歸奉喪事以盡其志姪洎太夫人兄之子弘禮承事焉靈車遠去而身獨止京堂暫開而目不見孤囚窮絜魄逝心壞蒼天蒼天有如是耶有如是耶而猶言猶食者何如人耶已矣窮天下之聲無以舒其哀矣盡天下之辭無以傳其酷矣刻之堅石措之幽陰終天而止矣柳子厚

陸氏夫人遷祔誌

夫人諱則字內儀姓陸氏家于吳郡蓋江左上族以宗子在他國家

牒逸墜故曾王父王父之諱官不克究知而闕其文
父單皇河南陸渾令夫人生而柔筭而禮會伯舅為
河南尹撰擇僚寮謂我文學掾仲父士林殊英儒流
推高故夫人歸于我夫人之志也 遂以其年十二
月十三日庚午合祔于少陵原之墓恭惟仲父之
諱字夫人之爵齒備于版文今不書懼再告也

墓版文式

故叔父殿中侍御史府君墓版文

柳氏之先自黃帝及周魯其著者無

駭以字為展氏禽以食采為柳姓厥後昌大世家河
東嗚呼公諱某字某曾王父朝請大夫徐州長史諱
子夏遺貞白之操表儀宗門王父朝請大夫滄州清
池令諱從裕垂博裕之道啟祐後亂皇考湖州德清
令諱察躬 小子常以無兄弟移其睦于朋友少孤
移其孝于叔父天將窮我而奪其志故罔極之痛仍

集焉樸魯甚駭不能文字敢用書宗人之辭以致其
直故質而俚輒哭紀事哀不能文故叙而終焉柳子
厚

金石例卷三

欽定四庫全書

金石例卷四

元 潘昂霄 撰

銘文之始

事祖廣記云蔡邕曰黃帝有金几之銘王子年拾遺記曰黃帝以神金鑄器皆有銘題凡所造建皆記其年時此銘之起也

三禮圖云檀弓曰銘明旌也以死者為不可別已故以其旗識之

註明旌神
明之旌也

士喪禮云為銘各以其物亡

則以緇長半幅經末長終幅廣三寸書銘于末曰

某氏某之柩

註銘明旌也雜帛為物大夫之所建也

愛之斯錄之矣亡無也無旌不命之士也半幅一尺終幅二尺在棺為柩今文銘皆為名末為旆也

竹杠長三尺置于宇西階上

註杠銘槿也宇柩也

周禮司常

大喪則供銘旌

註王則太常諸侯建旂孤

司常職云王建太常諸侯建旂孤卿建旌大夫士建

物則銘旌亦然但尺數異耳禮緯云天子之旌高九仞諸侯七仞大夫五仞士三仞其士喪禮竹

杠長三尺則死者以尺易仞也天子九尺諸侯七尺大夫五尺士三尺其旌旗身亦以尺易仞也又

從遣車之差蓋以喪事畧故也若不命之士則士喪禮云以緇布半幅長一尺也頽其末長終幅長

二尺也。緇楨共長三尺，廣三寸，書銘於末。曰某氏某之柩，竹杠長三尺，置于宇西階上。

荀禮論云：祭祀敬事其神也，其銘誄繫世敬傳其名也。

註：銘謂書其功于器物，若孔悝之鼎，銘者誄謂誄其行狀以為謚也。繫世謂書其傳襲，若今之譜牒也。皆所以敬傳其名于後世。

禮祭統：銘之義稱美而不稱惡。此孝子孝孫之心也。銘者論著其先祖之有德善功烈勲勞慶賞聲名於

天下

前輩云：銘婦人墓當詳于家世，議論取法于韓退之退。

之所作蓋出于碩人之詩觀其銘元稹妻韋夫人墓可見矣

銘式

權德輿世德銘

乃權公紀先世之德也四言無序此又一例也肅肅我祖玄鳥自天天乙

革夏武丁相賢手文命子開國于權末云唐故悼王

聿修之誠大懼不克夙夜以思敢銘世德

石塔銘

并序 唐開元五年歲在丁巳四月庚午朔二十一日庚寅故悼王薨于上陽之中禁曰

二歲而未及周鳴呼哀哉王即開元神武皇帝第九之愛子也以其月二十七日丙申葬于萬安山之東南嶺壙惟五尺棺不三寸壘石塔一丈于其上不雕不龔從尚薄也其銘曰南有萬安兮北有洛城城可

望兮天之京嗚呼悼王寧不戀兮嗚呼悼王寧不見兮倚素塔兮凌翠微空不礙兮雲則飛嗚呼悼王兮

其何歸

廬山女道士石碣銘

道士梁洞微也其銘無序四言廬山玄德先

蘇頌

生碣銘亦

河中府法曹張君墓碣銘

君字直之祖驩父孝新皆為官

然符載 君嘗讀書為文辭有氣有吏才嘗感激欲自奮拔樹功名以見世初舉進士再不第因去事宣武軍節度使得官至監察御史生事貶嶺南再遷至河中府法曹參軍攝虞鄉令有能名進攝河東令又有名遂署河東從事絳州闕刺史攝絳州事能聞朝廷元和四年秋有事適東方既遠八月壬辰死于汴城西雙邱年四十有七明年二月日葵河南偃師妻彭城人世有衣冠祖好順泗州刺史父泳卒蘄州別駕女四人男一人嬰兒 虞部員外郎張府君銘 尚書虞汴也是為銘 韓退之

郎安定張君諱季友字孝權年五十四病卒東都
塗進韓氏門伏哭庭下曰叔父且死幾于不能言矣
張目而言曰吾不可無告韓君別藏而不得韓君記
猶不葬也塗為書致吾意已而自署其末與封啟告
以請愈既與為禮發書云云其末有複語千萬永訣
八字名日月與封皆孝權迹 孝權為人孝謹與人

語恐傷之而時焱焱有立與孝權游者極
衆而獨以其死累余可尚也已是為銘 東明張先

生銘

匪祿而康匪爵而榮漢馬以虛克焉以盈言而
不為華光而不為名介潔而周流苞涵而清寧

幽觀其形與化為冥寂冥以成其道是以勿嬰世皆
狂狂奔利死名我獨浩浩端一以生或曰先生友悌
以道慈幼以死若不能忘情者何耶吾曰道去友耶
去慈耶從容以求其得之耶盜莽狠悻道之非耶且
夫廡思壞禮枯槁憔悴隳聖圖壽離中就異炊然與
神鬼為偶頑然以木石為類倥侗而不實窮老而無

死先生之道固知異夫如此也乃書于石以紀柳子厚

墓銘式

李元賓墓銘

已厚元賓壽也者吾不知其所慕天也者吾不知其所惡生而不淑孰謂其壽

死而不朽孰謂之天已厚元賓才高乎當世而行出乎古人已厚元賓竟何為哉竟何為哉韓退之

評事墓銘

朝之言嘻嘻夕之言怡怡偕入而施先生出乘馬馳一日不見而死吁其悲

墓銘

先生之祖氏自施父其後施常事孔子以彰讐為博士延為太尉太尉之孫始為吳人曰然曰

續亦載其跡先生之與公車是召纂序前聞于光有曜古聖人言其旨密微箋注紛羅顛倒是非聞先生講論如客得歸卑讓肫肫出言孔揚今其死矣誰嗣為宗縣曰萬年原曰神禾高四尺者先生墓耶盧

君墓銘

盧君東美 愈謂立曰子來宜也行不可一

其大者莫若衆所與觀所與衆寡茲可以審其德矣
乃祖未出而處也天下大夫士以為與古之夔臯者
侔且可以為相其德不既大矣乎講說周公孔子樂
其道不樂從事于俗得所從不擇外內奮而起其進
退既不合于義乎銘如是可以示于今與後也歟立
拜手曰唯唯君祖子與濮州濮陽令父同舒州望江
令夫人之祖延宗鄆州司馬父進成鄜州洛交令男
三人暢中易女三人皆嫁為士人妻墓在河南緱氏
縣梁國之原其年月日 大理評士胡君墓誌 胡之氏
元和二年二月十日云 別於陳
明允先河東人世勤固戴厥身籍文譜進連倫惟明
允加武資力牛虎柔不持吏夏陽有施為去平陽民
思悲河東土河陸原宜茲人肖厚完五十七不足年
孤兒啼死下官母弟証秩大夫撫君遺哭泣書友韓

愈司馬徒作後銘系序初衛府君墓銘嗟惟君篤所信要無有樊精神以棄餘費于人脫外

累自貴珍訊來世迷墓文故相權公墓銘權在商周世無不存滅楚徙秦嬴劉之間甘泉

始侯以及安邱詆訶浮屠皇極之扶貞孝之生鳳鳥不至爵位豈多半途以稅壽考豈多四十而逝惟其

不有以惠厥後是生相君為朝德首行世祖之文世師之流連六官出入屏毗無黨無讐舉世莫疵人所

憚為公勇為之其所競馳公絕不窺孰克知之德將在斯刻詩墓碑以永厥垂單季子墓銘

單季子其人生愛書貧甚尤介特不苟受施讀經傳言其說數家推太史公班固書下到今橫豎鈎貫又

且數十家通為書號單子史纂又取鬻老管莊子思晏益下到今其術自儒墨名法至于狗彘草木凡有

益于世者為子纂又百有若干家篤于聞不以仕為事黜陟使其書以氏名聞除太子校書某年月日

死永州祁陽縣某鄉將死嘆曰寧有聞而窮乎將無聞而豐乎寧介而躓乎將溷而遂乎葬其鄉後若干年柳先生來永州戚其文不大於世求其墓以石銘銘曰因其獨豐其辱柳子厚

善人白公

墓銘

齒以德尊師以道存習俗以教遷惟仁人君子之所居若時雨然羽山之顏疵癘為蠲媿心發

之彥方學業復于譙玄禮所以祠鄉長者而傳書先賢在昔兵屯河曲雄邊爰分公家乃誦乃絃身為義方奉之周旋兩息踰踰起為儒先岌彼熒臺火伏在泉振而鼓之有光屬天仲也銅章惠決岐岍叔也奉璋入侍禁垣藹兮芝蘭之庭炯兮珠玉之淵州里趨風媚學躑躑至于餘波所及且孝弟而力田古有之種德欲深望歲百年有相之道理無空捐祿匪我榮殆以為黨塾無窮之傳樂石有銘表公之阡異時配縣社之食尚有攷焉元遺山

墓誌銘式

裴君墓誌銘

裴為顯姓入唐尤盛支分族離各為大
家惟公之系德隆位細曰子曰孫厥聲

世繼晉陽之色愉愉翼翼無外無私幼壯若一何壽
之不遐而祿之不多謂必有後其又信然耶韓退之

薛君墓誌銘

宦不遂歸譏于時身不得年又
將尤誰世再絕而紹祭以不壞 韋夫人

墓誌銘

詩歌碩人爰叙宗親女子之事有以榮身夫
人之先累公累卿有赫外祖相我唐明歸逢

其良夫夫婦婦獨不與年而卒以天實 李公墓誌銘
生五子一女之存銘于好辭以永於聞

高其上而坎其中以 房君墓誌銘

有位有年有弟有
為公之宮奈何乎公 子從先人葬是謂

受 石公墓誌銘

生之艱成之又艱若
有以為而止於斯

韋公墓誌銘

武陽

受業始于太師以官讓兄自待不疑勤于紫閣取益以卑可謂有源卒用無疵慙慙為人矯矯為官爰及江西功德具完名聲之下獨處為難辯而益明仇者所歎碑于墓前維昭美故納銘墓中以識公墓

君墓誌銘

上古愛民為官求人苟可以任位加其身其後喜權人自求官退而緩者身後人先

故廣平死節而子不荷其澤王屋謹廉而神不福其謙嗚呼天與人苟無傷其穴與墳

盧丞墓

誌銘

宏農諱懷仁沂諱璫襄陽諱某今年實元和六年

苗君墓誌銘

有行以為本有

文以為華恭以事其職而勤以嗣其家位卑而無年吁其奈何

孔君墓誌銘

允義孔君茲惟

其藏更千萬年無敢壞傷

杜君墓誌銘

杜氏大家世有顯人承繼綿綿以及公身始為進士

乃篤朋友及作大官克施克守纂辭奮筆渙若不思公牒盈前笑語指麾祿以給求食以會同不畜不收

庫廡虛空事在於人日遠
盧渾墓誌銘前汝父母右

日亡何以傳之刻此銘章
息國夫人墓

居視汝如生遷汝居兮日月之良汝居
孔固兮後無有殃如不信兮視此銘章

誌銘男主外事治不為易施於其家難甚吏治又況
公侯族大而貴夫人是專厥聲惟懿昔在貞元

有錫自天啟封備服以疇時勲婉婉夫人有籍宮門
克承其後以嫁以婚隨葬東土在河之陽遙望公墳

而不同藏王君墓誌銘鼎也不可以柱車馬也不可使守
間佩玉長裾不利走趨祗繫其逢

不係巧愚不諧其頌有銜
扶風郡夫人墓誌銘陰幽

不祛鑽石埋辭以列幽墟
維德之恒出為辨強乃匪婦能淑哉夫人夙有多譽
來嬪大家不介母父有事賓祭酒食祗飭協于尊章

畏我侍側及嗣內事亦莫有施齊其躬心小大
李君

墓誌銘

不羸其躬以尚其後人

乳母墓誌銘

乳母李徐州人號正真入韓氏乳其

兒愈愈生未再周月孤失怙恃李憐不忍棄去視保益謹遂老韓氏及見所乳兒愈舉進士第歷佐汴徐

軍入朝為御史國子博士尚書都官員外郎河南令娶婦生二男五女時節慶賀輒率婦孫列拜進壽年

六十四元和六年三月十八日疾卒卒三日葬河南縣北十五里愈率婦孫視窆封且刻其語于石納諸

墓為盧太醫墓誌銘

岐黃聖學炳如日星苟非其人道不虛行惟尚藥公有得內經

探病之源起死而生為醫作鏡底裏洞明道風既扇取重漢廷陽報沓來壽考康寧儵然生逝歸神太清

大河安流扶衛厥靈扁鵲湯陰賞魏大名遙遙華胄復起魏京古今世業前後家聲遺書具在永為世程

元遺張君墓誌銘
履深修體柔嘉內美充福不遐衰
哀蒼天孰使然耶天耶人耶其父

母耶從容以思其得之耶茁其芽鬱其華其實孔多
父播而子獲穰穰滿家故曰其源濫觴其流江河淵
兮其未涯不有以浚之其末奈何然則古所謂
不于其躬必于其子孫者尚信然耶尚信然耶

墓碣式

河中府法曹張君墓碣銘

已見銘式

遽然子墓碣銘

遽然子諱

滋字濟甫姓趙氏本出馮翊其大父天會貞元間來
為汴梁戶籍判官卒官下妻子不能歸遂為汴人父
諱青字漢卿遽然子三男長某次某兵亂中所失小
子尚幼二女次即孟卿所娶者遽然子春秋五十有
九以病終權葬于東平沂州門之外若干步庚子歲
除日于實銘之其銘曰積之之深守之之堅傳人之
所不傳蕪人之所獨專自拔泥塗如蛻而仙文以表
之慰彼下泉顧雖愛我豈以一言而敢私焉元遺山

張遵古墓碣銘

茫茫之原縈縈之阡行人而歸何千萬年有子而傳孰不欲揚其先今君

獨然修德則人而死而不亡則天吾是以知其人之賢

墓甄銘

下殤女子墓甄銘

孰致也而生孰召也而死焉從而來焉往而止魂氣無不之也骨肉

歸復于此

柳子厚小姪女墓甄銘

字為雅氏為柳生甲申死已丑日十二月在九是日

奠東岡首生而惠命則天始也無今何有質之微當速朽銘茲瓦期永久

壙銘式

女孥壙銘

汝宗葬于是汝安歸之惟永寧韓退之

金石例卷四

欽定四庫全書

金石例卷五

元 潘昂霄 撰

古墓表式

蔡致遠墓表

周景和墓表

周無晦墓表

李德元墓表

楊希節墓表

智氏夫人墓表

司馬夫人墓表

宋夫人墓表

呂氏夫人墓表

唐元夫墓表

今墓表式

文通先生陸給事墓表

郡人陸先生質以其師友天水啖助洎趙匡能知聖人之

旨故春秋之言及是而光明使庸人小童皆可積學以入聖人之道傳聖人之教是其德豈不侈大矣哉先生字某既讀書得制作之本而獲其師友於是合古今散同異聯之以言累之以文蓋講道者二十年書而志之者又十餘年其事大備為春秋集註十篇辯疑七篇微旨二篇用是為天子爭臣尚書郎國子博士給事中皇太子侍讀皆得其道刺二州守人知仁永貞年侍東宮言其所學為古君臣圖以獻而道達乎上是歲嗣天子踐祚而理尊優師儒先生以疾聞臨問加禮某月日終于京師某月日葬于某郡某里將葬以先生為能文聖人之書通于後世遂相與謚曰文通先生後若干祀有學其書者過其墓哀其道之所由乃作殿中侍御史柳公墓表

唐貞元十二年

二月庚寅葬我殿中侍御史河東柳公于萬年縣之少陵原公諱某字某邑居于虞鄉曾王父某官王父某官皇考某官奕世餘慶叢而未稔濟德流祉其後宜大秀而不實為善者感嗚呼哀哉故友諸生宗

人外姻號慟會葬哀禮咸申克寔玄堂掩坎廣輪顧盼無依徘徊增哀願勒休聲延垂後賢於是汝南周公巢等相與琢石書德用圖不朽文曰抱元淳稟粹和既強毅又柔嘉登儀曹耀文章司學徒儒風揚自涓北佐朔方戎政閑默首康冠惠文垂衣裳才不施天茫茫刊樂石篆遺德延休烈垂憲則于高年長無極

朝列大夫張公墓表

公諱公著字庭俊姓張氏初名宁以夢兆改焉世為太原

陽曲人曾大父某知宋將亂隱居不仕大父祐好讀書尤長于術數卜葬東山之大石谷自言却後三十年吾宗當有文達者已而果然考諱某資稟寬緩輕財好施以詩書棋酒自適後因公貴封朝列大夫生

三子公其季也 先大夫履正奉公惟義所在死生禍福無所顧藉天子大夫士飽聞而厭道之果得掛名表誌自託不腐鄉里晚生預有榮焉敢不唯命是聽乃退而論次之而系之以銘銘曰平易而仁卓魯之近民發奸擊強趙張三王之所以神此在公為一節固已無望于時之人若夫確固而不移質直而無文直前徑行唯義所存有言責則致其忠有官守則致其身名節凜然獨為不二心之臣聞公之風益知鄙夫之不可以 御史張君墓表 謹按中奉大夫故治事君元遺山 書侍御史守申州刺史張君諱汝明字于玉世家汶上曾大夫靖大夫彥皆潛德弗耀父恕用君貴贈中議大夫母程氏清河郡太君君三歲喪父母程故衣冠家而有賢行力課君學君亦能自樹立如成人弱冠擢大安元年經義進士第 君資稟厚重與人交敦仁義平居恂恂似不能言及當官而行剛介有守論議純正人不能奪

仕宦三十年家無餘資其他尚多可稱弗著著不為窮達易節者銘曰汶之洋洋思聖有堂禮樂衣冠此為之鄉維御史君尤魯士之良沉潛而剛者艾而敦龐可以為公卿大臣訓于四方昔往矣秉筆帝傍藹然粹溫如珪如璋今來斯微服裘擢衡門棲遲詠歌虞唐謂其逢也耶茫乎及夜舟之藏其不逢也耶泰馬如晚節之昌抱明月而長終懷舊俗而不忘在君為樂天而識者涕滂林深而蘭芳風雨如晦而雞鳴有常世無良史久矣孰為發幽潛之光

司農丞康君墓表

君諱錫字伯祿姓康氏世

為寧晉人 中崇慶二年進士第釋褐櫟陽簿警巡判官辟彭原令入為尚書省掾考滿遷開封府判官尋拜監察御史言宰相侯摯師安石非相材提點近侍局宗室安石聲勢焔焔公門請托不可使久在禁近朝議偉之選授右司都事遷京南路大司農並破上蔡諸縣羣不逞把持之黨彈種人以賍污尤狼籍

者五六輩宰相有不說者云康錫不欲吾種人在仕路耶因以飛語中之出為河中府治中充行尚書六部郎中城陷投水

陽曲令周君墓表

君諱鼎字器之姓周氏世為定

襄人遷陽曲令權河東北路轉運司戶籍判官帥府檢察又明年雁門破兵勢駁駁而南鄉曲以太原

不可保趣君弟獻臣就謀去就君為獻臣言城不保必矣我臣子也尚欲逃死乎獻臣欲挈君妻子以出君又不可曰吾守官于此而不以妻子自隨是懷二也吾弟往吾死于此矣乃與之泣別于北門之外是歲城陷没于兵實興定二年九月六日也得壽三十有七官奉直大夫

史邦直墓表

邦直

諱元姓史氏世為武陟人某年遷河南乃占籍馬遷管勾黃河漕運未幾河南破右丞仲德行莖徐州檄邦直守禦注授彭城令尋轉充觀察判官危急存亡之際多所建白仲德甚倚重之喪亂後間闕東歸

歲戊戌十二月二十有六日春秋五十有七以疾終于州之私第邦直為人軀幹雄偉望之如羽人劍客而處事詳雅倉猝無失辭事母孝待故舊有終始身歿之日識者多嗟惜之

御史孫公墓

表

正大中內帑被盜所失皆慈聖宮珠貝上怒甚公時為監察御史被詔按其事而無迹可尋法官讞

疑欲棄守者市公執奏緩之會赦得原汴民李氏女有姿色已許嫁矣首相布薩之姪恃勢奪婚且欲以為妾夫家訴于官官畏狗不為理遂訴于公公為奏聞詔還已許人八年親享太廟邴國夫人溫敦氏過廟門而不偃蓋公劾奏以為失臣妾禮上不忍加媿母罪勅有司杖御者百仍罰俸以愧之舊制承天門非犒軍不登一日上無故登焉公奏人主不可示民不信上即日為公犒軍庚寅辛卯以來雖軍出屢勝而亡徵已具危急存亡之際大丈夫士以自保為幸或高蹈遠引脫屣世務或酣歌縱酒苟延歲月公獨正色

立朝耿耿自信言事數十條藹然有承平之風公
諱德秀字伯華其先涇州長武人大父舉遭靖康之
亂流寓太原之
文水因家焉
曹徵君墓表
歲丙午秋九月日曹徵

之寓舍春秋七十有四嗚呼哀哉世豈復有敦龐者
艾之士如君者乎君諱垺姓曹氏子玉其字也

君既老自號鴛鴦老人有卷瀾集三卷藏於家銘曰
仁信而篤誠寬博而和平以儒行概之衆善具并何
負于人而不能百齡豈無百齡孰愈君之名城郭千
年貞石有銘曰是維子曹子之墓尚可以為鄉人之

榮也**善人白公墓表**
公諱某字全道姓白氏公資稟
聰恬而謹厚自恃畧通經史精究

歷美中年耽嗜佛書皆所成誦為人敦信義樂施與
一言所諾千金不易家人化之皆以賢行稱焉正大
中累贈中大夫輕車都尉南陽郡伯兩夫人南陽郡
太君維火山自太平興國中升為軍雖有學校而肆

業者無幾宣和末僅有上舍宋生歷大定明昌官學之盛然後公之二子擢巍科取美仕邦人築亭以榮鄉名之屏山李君之純為作記辭與事稱相為不朽故公雖躬不受祀所以起其家與善化一鄉者其利豈有

南峯先生墓表

先生諱豫字彥先姓呂氏懷州既耶修武人祖道父瑛皆力田為業

先生自成童知讀書既冠游學東州以易為專門經明行修高出倫輩醇德先生王廣道特器重焉一時名士如秀容折安上濟陽王善長安陽苗景藩館陶段彥昌冠氏孫希賢田子發從之學者甚衆故家近太行五峯山因為號示

施州房使君鄭夫人殯表

不忘本也有易說若干卷

夫人之先出於周以鄭為氏因初侯曾祖諱隨祖諱玠厥考諱絳咸垂休歸于房宗生九子左右泰稷祠春秋道順德嚴顯且裕宜壽而富今何謬永貞冬至前四日寓殯殯此非其邱韓退之

故弘農

令柳府君墳前石表

少陵原柳氏之大墓唐貞元十
九年某月日孤某奉其先府君

洎夫人之喪祔于其位由新墓而南若干步曰高祖
王父蘭州府君諱某字某之墓又東若干步曰曾祖
王父邠州府君諱某之墓西若干步曰祖某王父司
議郎府君諱某之墓咸異兆而相望昭穆之有位序
壤樹之有豐殺皆如律令府君諱某字某由父任為
太廟齋郎更許昌陽武伊闕華原尉王屋丞汝陰令
為宏農二年推其誠心裕于其人年五十五建中
二年某月日卒于官以其素廉家之蓄不足以充凶
事遂殯于是
邑柳子厚
先侍御史府君神道表
嗚呼先君之墓
仲父殿中君誌
焉孤宗元不敢稱道先德然而無以昭于外者用敢
悉取仲父之所陳而繁其辭刻茲石表先君諱鎮字
某六代祖諱慶後魏侍中平齊公五代祖諱旦周中
書侍郎濟陰公高祖諱楷隋判齊房蘭廊四州曾伯

祖諱與字子燕唐中書令曾祖諱子夏徐州長史祖諱從裕滄州清池令皇考諱察躬湖州德清令世德廉孝颺於河許士之稱家風者歸焉 嗚呼宗元不謹先君之教以陷大禍幸而緩于死既不克成先君之寵贈又無以寧太夫人之飲食天殛薦酷名在刑書不得手開玄堂以奉安祔罪惡益大世無所容尚顧嗣續不敢即死支綴氣息以嚴邦刑大懼祭祀之無主以忝盛德敢用特牲昭告神道號斗萬里以畢其辭

臨海弋公阡表

公諱潤字天澤姓弋氏系出臨海占籍汝州之梁縣者不知其

幾昭穆矣大父整生二子長曰洪次曰海洪娶張氏二子曰祐曰福海娶酒氏公其所生子也弋氏自先世不異財公早孤能自樹立如成人事從兄祐殊恭遜祐嘗以事客內鄉者二十年比遜公殖產倍於舊祐歸求分居公謂祐言家所有皆父兄所積潤但謹守僅無損耗耳兄幸歸請悉主之潤得供指使足矣

祐悔悟曰吾弟忠敬如此我乃為讒口所間慚恨無所及尚欲言分異耶乃更相友愛壬辰河南破公芻家避于西山山柵破公家亦被驅逐一卒見公稠人中請于主帥云此吾鄉善士其縱遣之帥遣公舉家去是夜所俘悉阮之里社為空公家獨全親舊嘆曰為善之報見之今日矣明年春鄉郡遊騎徧滿公自度不能受辱乃自投水中得年若干實某年月日也元遺山

墳記式

韋夫人墳記

韋夫人終成都殯萬年遷柩渭南祔而合大葬未利以俟禮也其族系如某

人之誌
子某為
石刻而
納諸壙
柳子厚

誄式

衡州刺史東平呂君誄

維唐元和六年八月日衡州刺史東平呂君卒爰用十月

二十四日藁葬于江陵之野嗚呼君有智勇孝仁惟其能可用康天下惟其志可用經百世不克而死世亦無由知焉君由道州以陟為衡州君之卒二州之人哭者逾月湖南人重社飲酒是月上戊不酒去樂會哭于神所而歸余居永州在二州中間其哀聲交於北南舟楫之下上必呱呱然蓋嘗聞于古而觀于今也君所居官為第三品宜得諡于太常余懼州吏之逸其辭也私為之誄以志其行其辭曰麟死魯郊其靈不施濯濯夫子故深具儀冠仁服義干櫓書詩忠貞繼佩智勇承蒸跨騰商周克舜是師道不勝禍天固予欺鬼神不怒妖孽咸疑何付之德而奪其時嗚呼哀哉命姓惟呂勤唐以力輔寧萬邦受胙爾國惟師元聖周以降德世征五侯伊祖之則嗣濟厥武前書是式至於化光爰耀其特春秋之元儒者咸

感君達其道車馬孔直聖人有心由我而得敷施變化動無不克推理惟公舒文以翼宣于事業與古同極道不苟用資任乃揚進于禮司奮藻合章決科聯中休問用張署譽百氏錯綜逾光超都諫列屢皂其囊帝殊爾能人服其智戎悔厥禍歎邊求侍盛選邦良難乎始使君登御史贊命承事風動海隅皇威以致來總征賦甲茲郎吏制用經邦時推重器諸臣之復周官匪易漢課牋奏鮮云能備君自他曹載出其技筆削自任羣儒草議正郎司刑邦憲為貳糾佞肅邪諛諛具畏遷理於道民服沐嘉思踈若昵惕適如遐實閉其閣而撫千家載其愉樂中以舞歌賦無吏迫威不刑加浩然順風從令無詳繇蠶外邑我爾盈車雜耕隣邦我泰之華既字其畜亦藝其麻鼙鼓斯屏人喜其多始富中教興良廢邪考績既成王用興嗟陟于嶽濱言進其律號呼南竭謳謠北溢欺吏悍民先聲如失逋租匿役歸誠自出魚并既息寵羸乃

逸惟昔舉善盜奔于鄰今我興仁化為齊人惟昔富人或賑之粟今我學生不竭而足邦思其弼人戴惟父善胡召災仁胡懼咎俾民伊怙而君不壽矯矯貪凌乃康乃茂嗚呼哀哉廩不餘食藏無積帛內厚族姻外賙賓客恒是懸磬逮茲易簣僮無凶服奠非舊陌嗚呼哀哉君昔與余講德討儒時中之與希聖為徒志存致君笑詠唐虞揭茲日月以耀羣愚疑生所怪怒起特殊齒舌嗷嗷雷動風驅良辰不偶卒與禍俱直道莫試嘉言罔敷佐王之器窮以郡符秩在三品宜謚王都諸生羣吏尚擁長圖故友咨懷眾行陳暮是旌是告永永不渝嗚呼哀哉椰子厚

虞鳴鶴誄
維某年月日前進士虞九皋字鳴鶴終于長安親仁里既克葬于高陽原二三友生皆至于墓哀其行之不昭于世追列遺懿求諸后土申薦嘉名實曰恭甫乃作誄曰吳虞之分爰宅上陽其後優游在越為鄉延誦輔漢恢定封疆東徙之賢時惟仲翔

曰預曰喜在晉克彰義篤斯文有並其方秘書多能
垂耀于唐泊于漢陽世德以昌毗贊尚父休徽用揚
惟我先君並時翱翔治主記室蔚其輝光實契伯仲
永永不忘漢陽元子實紹其美傳襲儒風彪炳文史
克恭以孝惟禮是履譽洽於鄉論為秀士百郡之選
叢於京師昧沒騰籍乘凌蔽欺生之始至則奮其儀
退默以謙人悅而隨名卿是孳先進咸推方出羣類
振耀于時禍丁舅氏漂淪海沂捧訃號呼匍匐增悲
喪有幼主禮或多違執拘于名而不是思投袂就道
乘艱若夷竭誠喪共申敬裳惟萬里來復祇祔于墓
遽不凌節儉而有度由其溫恭守以貞固行道咨嗟
觀禮興慕復從鄉賦煥發其華克不再舉聞于邦家
倚閭千里歡咏斯多姻族盈門載笑且歌君之不淑
名立志沮慶歸其鄉身終逆旅生死已間壽觴方舉
賀書在途委骨歸土哀歡易地弔慶交戶神胡不仁
降此大苦嗚呼哀哉惟昔夏首羈貫相親通家修好

講道為鄰既冠于昨思致其身升于司徒及爾繼年
交歡二紀莫間斯言愉乎其和確爾其堅更為砥礪
咸去韋絃今則遽已吾其缺然嗚呼哀哉誅行謀謚
惟古之道生而無位歿有其號惟是友生徘徊顧悼
爰用壹惠幽明是告溫溫具恭惟德之經
先民有作今也是旌嗚呼恭甫欽此嘉名

行狀式

惟韓退之董公行狀如式開書餘並疏
始末于其下文體之異隨事詳酌焉

故金紫光祿大夫檢校尚書左僕射同中書門下平

章事兼汴州刺史充宣武軍節度副大使知節

度事管內度支營田汴宋亳潁等州觀察處置

等使上柱國隴西郡開國公贈太傅董公行狀

曾祖仁琬皇任梁州博士

祖大禮皇贈右散騎常侍

父伯良皇贈尚書左僕射

公諱晉字混成河中虞鄉萬歲里人 階累升為金

紫光祿大夫勲累升為上柱國爵累升為隴西郡開

國公娶南陽張氏夫人後娶京兆韋氏夫人皆先公

終四子全道溪全素澥全道全素皆上所賜名全道

為秘書省著作郎溪為秘書省秘書郎全素為大理

評事澣為太常寺太祝皆善士有學行謹具歷官行事狀伏請牒考功并牒太常議所謚牒史館請垂編錄謹狀

貞元十五年五月十八日故吏前汴宋毫潁等

州觀察推官將仕郎試秘書省校書郎韓愈
狀

唐故贈絳州刺史馬府君行狀

君諱某字某其先為嬴姓當周之衰處晉

為趙氏晉亡而趙氏為諸侯具後益大與齊楚韓魏燕為六國俱稱王其別子趙奢當趙時破秦軍閼與

有功號馬服君子孫由是以馬為氏拜太僕少卿
疾病一年貞元十八年七月二十五日終于家凡年
四十有五其弟少府監暢上印綬求追贈贈絳州刺
史布帛百疋夫人滎陽鄭氏王屋縣令况之女有
賢行侍君疾逾年不下堂食菜飲水藥物必自擇將
進輒先嘗方書本草恒置左右子男二人故前左衛
倉曹叅軍敷右清道率府胄曹叅軍女子二人在室
雖皆幼侍疾居喪如成人愈既世通家詳聞其世系
事業今葬有期日從少府請拔其大者故銀青光祿
為行狀託立言之君子而圖其不朽焉

大夫右散騎常侍輕車都尉宜城縣開國伯柳公行

狀如韓退之式但多開州縣鄉里姓名并年耳曾
祖善才皇荆王侍讀祖尚素皇潤州曲阿縣令

汝父慶休皇渤海郡縣丞贈蔡州刺史工部尚書
州梁縣梁城鄉忠義里柳渾年七十四狀公字

惟深其先河東人夫其子恭父慈善行也拊循制
理能政也直廉潔靜儉德也拒疑獨斷明識也冒危
以捍牧圉大節也犯顏以陳訐謨至忠也有一于此
尚宜旌褒矧茲備體焉可以已固當飾以榮寵章示
後來而故吏遺孤淪寓遐壤久稽彝典罪在宗屬敢
用評薦舊行敷贄遺風若乃揚孔氏褒貶之文舉周
公懲勸之法微于誅
謚則有司存謹狀

故祕書少監陳公行狀

五代祖
某陳宜

都王 曾祖某皇會稽郡司馬 祖某皇晉陵郡司
功叅軍 父某皇右補闕翰林學士贈祕書少監

某州某縣某鄉某里陳京年若干狀 公姓陳氏自
潁川來隸京兆萬年胄貴里諱京既冠字曰慶復舉
進士為太子正字咸陽尉太常博士左補闕尚書膳
部考功員外郎司封郎中給事中祕書少監自考功
以來凡四命為集賢學士德宗登遐公病痼輿曳就
位備哀敬之節由是滋甚遂以所居官致仕貞元二

十一年四月二十五日終于安邑里夫其忠烈之
褒也相府之有誠也太廟之東向也昭陵之不更其
故也官守之不可奪也立言之不可誣也利之不苟
就也害之不苟去也其忠類朱雲其孝類穎考叔其
庶類公儀休而又文以文之學以輔之而天子以為
之知既得其道又得其時而不為公卿者病也故議
者咸惜其始而哀其終焉公之喪凡五十四日而夫
人天歿毀也夫人之父曰偕司農卿祖曰某贈太子
太保某故集賢吏也得公之遺事于其家書而授公
之友以誌公之墓謹狀永貞元年八月五日尚書禮
部員外郎韓昌黎先生行狀李翔前式大抵相類
柳宗元狀故止附見其目當意推

之後

吏部侍郎沈公行狀

杜牧

御史大夫清河公崔

公行狀

國子祭酒韓洄行狀

權載之

宣州觀察使王

凝行狀

司空表聖

尚書戶部侍郎蔡公行狀

歐陽永叔

司封員

外郎許公行狀

歐陽文忠公行狀

吳克

司馬溫公行

狀

蘓子瞻

論行狀語錄

朱子語錄云韓文千變萬化無心變歐陽有心變杜祁

公墓誌一件未了又說一件韓董晉行狀尚稍長

權德輿作宰相神道碑只一板許歐蘇便長了

名號稱呼類

大行

李善文選註周書曰謚者行之跡是以大行受大名細行受細名風俗通曰皇帝新崩未有定謚

故總其名曰大行皇帝

禮記曰天子死曰崩諸侯曰薨大夫曰卒士曰不祿庶

人曰死

註異死名者為人喪其無知若猶不同然也自上顛壞曰崩薨顛壞之聲卒終也不

祿不終其祿死之言漸也精神漸盡也

禮記曰天王崩告喪曰天王登假措之廟立之主曰帝

假音遐莊子其死登假三年而形逝辨證楚辭遠遊云載營魄而登霞兮掩浮雲而上征朱氏

註曰霞與遐同猶曰適遠云爾曲禮告喪之辭乃又借以為死之美稱莊子作登假蓋亦此例但此

篇註者遂解為赤黃之氣釋莊音又
讀假為格而訓至馬則其誤愈遠矣

禮記曰壽考曰卒短折曰不祿

注祿謂有德行任為大夫士而不為者老而死

從大夫之稱少而死從士之稱

王父曰皇祖考王母曰皇祖妣父曰皇考母曰皇妣夫

曰皇辟生曰父曰母曰妻死曰考曰妣曰嬪

韓魏公祭式元遺山記其大畧姑錄之古人書曾祖皇

祖皇考魏公易皇以顯字顯曾祖顯曾祖妣顯祖

顯祖妣顯考顯妣妻先亡曰顯嬪妻祭夫曰顯辟

穆甫兄弟曰顯穆甫

諸三品官以上職事官身故者若係親賢勳舊皆有司

錄奏取旨贈官

官職未至而特旨
追贈者不拘此限

諸謚職事以上三品散官二品以上從吏部勘當善惡

仍下所屬追取行狀闕移禮部呈省聞奏若有旨

議謚即下太常寺擬謚訖申省議定奏聞

如有司
不以時

降行亦許
本家陳請

其官職未至而德行超異者特旨議之

人亦准此

古金石例云南京赤倉高太皇祖塋作昭穆葬小兒子
死共葬一處謂之學堂小女共葬一處謂之繡堂
別有乳母墳師友墳師友墳以葬門客等

時忌字樣類

古金石例云不敢稱皇字與隧字

書碑額例

真字八分書謂之題額篆字則云篆額

今畧舉一二式
附于後并撰書

建立
附

夫子廟堂記

駕部郎中程浩撰

朝議郎判尚書武部員外郎瑯琊顏真卿書

朝散大夫檢校尚書都官郎中東海徐浩篆額

唐天寶十一載歲次壬辰四月乙丑朔二十二

日丙戌建

在記後

重修蜀先主廟碑

儒林郎前鄭州防禦判官提舉學校常平倉事武

騎尉賜緋魚袋王庭筠撰書篆

柳州羅池廟碑

尚書吏部侍郎賜紫金魚袋韓愈撰

中書舍人史館修撰賜紫金魚袋沈傳師書

朝議郎桂管觀察大使試太常寺協律郎上柱國

陳曾篆額

此與建立
俱在碑後

長慶二年正月十一日桂管都防禦先鋒兵馬

使朝散大夫試左衛長史孫季雄建立

書碑陽例

蘓子瞻韓文公廟碑小字本後云軾再啟

題于後

書碑陰例

後周尉遲迥碑在相下刻云蔡有鄰書并陰

又寶刻叢編云漢劉

熊碑亦有碑陰

僧碑

論僧宜書不宜書

柳子厚大明和尚碑陰凡莫大浮圖無窳穴其用于碑不宜然昔之

公室禮得用碑以奠其後子孫因宜不去遂銘德行用圖久于世及秦刻山石號其功德亦謂之碑

而其用遂行然則雖浮圖亦宜也凡葬大浮圖其
徒廣則能為碑晉宋尚法故為碑者多法梁尚禪
故碑多禪法不周施禪不大行而律存焉故近世
碑多律凡葬大浮圖未嘗有比正尼主碑事今惟
無染實來涕泪以求其志益堅又能言其師他德
尤備故書之碑陰 宋景文筆記論僧碑不宜書

論碑文合書不合書

歐陽永叔陳文惠公神道碑

公諱充佐前娶曰杞國夫人宋氏後娶曰沂國夫人

王氏子男十人長曰述古 秦公二子長曰充叟
為樞密使同中書門下平章事季曰充咨為武信
軍節度使皆舉進士第一人及第三子已貴秦公
尚無恙每賓客至其家公及伯季侍立左右坐客
蹙踏不安求去秦公笑曰此兒子輩耳故天下皆
以秦公教子為法而以陳氏世家為榮公之孫四

十人曾孫二人合伯季之後若子若孫若曾孫六十有八人女若孫曾五十有四人而仕于朝者多以材稱于時嗚呼可謂盛矣其文如此皆所宜書者故備列之云

齊人曹元野云濟南李昌道作李千戶先塋碑其間不

書李千戶之妻某氏只寫子幾人其妻怒元野添

上說知昌道公言不可書為婦人未終如何敢書

婦人此是前輩所傳如此

書銘陰例

唐相國房公德銘之陰

房瑄也天子之三公稱公王者之後稱公諸侯之入為王卿

士亦曰公有土封其臣稱之曰公尊其道而師之稱曰公楚之僭凡為縣者皆曰公古之人通謂年之長者曰公 唐之大臣以姓配公最著者曰房公房公相玄宗有勞于蜀人咸服其節相肅宗作訓于岐人咸尊其道惟正直慈愛以成于德用是進退所居而事理辯所去而人哀號理袁人袁人不勝其懷為文士趙郡李華銘公之德亂故不克立今刺史太原王涯嘉公之道猶在乎人人不忘公之道為之刻石 王公嘗以機密匡天子于禁中遵公之道刺于我邦承公之理又能尊公之德起遺文以昭前烈則其入為卿士三公也孰曰不宜吾懼其去我也遽願書于銘之陰用永表于邦之良政

柳子厚

金石錄卷五

欽定四庫全書

金石例卷六

元 潘昂霄 撰

韓文公銘誌括例

自官業俊偉者叙起而以世系妻子居後

朝散大夫贈司勳員外郎孔君墓誌銘

二十卷

自急流勇退者叙起次履歷家世而以死葬居後

正議大夫尚書左丞孔公墓誌銘

二十卷

自事實叙起次履歷家世子女而以葬年月居後

考功員外郎盧君墓銘二十卷

先叙姓字三代次履歷而以妻子居後

崔評事墓銘

二十四卷

清邊郡王楊燕竒碑文

二十四卷

南少尹裴君墓誌銘二十四卷 國子助教薛君墓誌銘

二十四卷

江西觀察使韋公墓誌銘

二十四卷

國子司業竇

公墓誌銘

三十三卷

太原府叅軍苗君墓誌銘

三十五卷

清

河郡公房公墓誌銘

二十七卷

銀青光祿大夫贈工部

尚書太原王公神道碑

二十七卷

殿中侍御史李君墓

誌銘

二十卷

朝散大夫高州刺史除名徙封州董府

君墓誌

二十卷

秘書少監贈絳州刺史獨孤府君墓

誌銘

二十卷

檢校尚書左僕射統軍劉君墓誌銘

九卷

監察御史衛府君墓銘

三十卷

河南令張君墓誌

銘

三十卷

鳳翔隴州節度使李君墓誌銘

三十卷

河南

觀察使中大夫洪州刺史中丞贈常侍太原王公

神道碑銘

三十卷

司徒侍中中書令贈太尉許國韓

公神道碑銘

三十卷

先叙家世

興元少尹房君墓誌銘

二十卷

集賢校理石君墓誌

銘

二十卷

河南府王屋縣尉畢君墓誌銘

二十卷

中散

大夫河南尹杜君墓誌銘

二十卷

銀青光祿大夫襄

陽郡王平陽路公神道碑銘

二十卷

故相權公墓銘

三十卷

柳子厚墓誌銘

三十卷

昭武校尉守左金吾衛

將軍李公墓誌銘

三十卷

朝散大夫尚書庫部郎中

鄭君墓誌銘

三十卷

朝散大夫越州刺史薛公墓誌

銘

二十卷

中大夫陝府左司馬李君墓誌銘

三十卷

州司戶韓府君墓誌銘

三十卷

韓滂墓誌銘

五卷

不書家世而書履歷

李元賓墓銘

二十四卷

不書家世履歷而言丹砂之害

大學博士李君墓誌銘

三十四卷

先叙死年月起

施先生墓銘

二十四卷

登封縣尉盧殷墓誌銘

二十五卷

先叙死者葬地

河東觀察鄭公神道碑文

二十卷

先叙姓名履歷而以三代妻子居後

試大理評事王君墓誌銘

二十卷

江南觀察贈常侍

太原王公墓誌銘

三十卷

幽州節度判官贈給事中

張君徹墓誌銘

三十卷

無履歷可叙者

處士盧君墓誌銘

四十卷

韓滂墓誌

五十卷

考功員外

郎盧君墓銘

二十四卷

僅有初筮可書者

李元賓墓銘

二十四卷

登封縣尉盧殷墓誌銘

三十五卷

南王屋縣尉畢君墓誌銘

二十五卷

號州司戶韓府君

墓誌銘

二十五卷

叙文辭之盛者

施先生墓銘

二十四卷

貞曜先生孟郊墓誌

二十九卷

南陽

樊紹述宗師墓誌銘

三十四卷

自賜廟叙起

烏氏廟碑銘

二十卷

魏博節度觀察使沂國田公先

廟碑銘

二十卷

自乞銘叙起

河南少尹李公墓誌銘

二十卷

袁氏先廟碑

二十卷

曜先生孟郊墓誌

二十卷

庫部員外郎張府君墓誌

銘

二十卷

中散大夫少府監胡良公墓神道碑

三十卷

有誌無銘

登封縣尉盧殷墓誌銘

二十卷襄陽盧丞墓誌銘

三十

五卷河中府法曹張君墓碣銘

二十卷殿中少監馬君

墓誌

三十卷

貝州司法叅軍李君墓誌銘

三十卷太學

博士李君墓誌

三十卷

述其妻子之辭

朱子謂別是一體此文之變

襄陽盧丞墓誌

二十卷

河中府法曹張君墓碣銘

二十

五卷虞部員外郎張府君墓誌

二十卷殿中少監馬君

墓誌

三十卷

貝州司法叅軍李君墓誌

三十卷

法揚子雲造語

洪氏云朱子謂用字奇古

曹成王碑

二十卷

王臨川以為銘之奇者

試大理評事王君適墓誌

二十卷

故幽州節度判官

贈給事中清河張君墓誌

三十卷

樓迂齋所取者

殿中少監馬君墓誌

三十卷

唐故河中府法曹張君

墓誌

二十卷

賜廟碑體

烏氏廟碑銘

二十卷

魏博節度觀察使沂國田公先

廟碑銘

二十卷

袁氏先廟碑

二十卷

郡王碑體

清邊郡王楊燕奇碑

二十四卷

曹成王碑

二十四卷

銀青光

祿大夫襄陽郡王平陽路公碑

二十四卷

公相銘誌體

檢校尚書左僕射統軍劉公墓誌銘

二十九卷

故相權

公墓銘

三十卷

清河郡公房公墓碣銘

二十九卷

司徒兼

侍中中書令贈太尉許國韓公神道碑銘

三十卷

青光祿大夫贈工部尚書太原郡公王公神道碑

二十卷

節度觀察刺史誌銘碣

河東節度觀察使滎陽鄭公神道碑

二十六卷

鳳翔隴

州節度使李公墓誌銘

三十卷

魏博節度觀察使沂

國田公先廟碑銘

二十六卷

江南西道觀察使贈左散

騎常侍太原王公神道碑

三十卷

又誌銘

三十卷

大夫商州刺史除名董府君墓誌

二十卷

秘書少監

贈絳州刺史獨孤府君墓誌銘

二十卷

朝散大夫越

州刺史薛公墓誌銘

二十卷

御史卿監郎官墓誌

博士附

殿中侍御史李君墓誌

二十卷

監察御史衛府君墓

銘

三十卷

正議大夫尚書左丞孔公殘墓誌

三十卷

國

子司業竇公牟墓誌

三十卷

中散大夫少府監胡良

公墓神道碑

三十卷

殿中少監馬君墓誌

三十卷

考功

員外盧君墓銘

三十卷

朝散大夫贈司勳員外郎孔

君墓誌

二十卷

虞部員外郎張府君墓誌

二十卷

朝散

大夫尚書庫部郎中鄭君墓誌

三十卷

太學博士李

君干墓誌

三十卷

崔評事墓誌

四十卷

大理評事王君

墓誌

二十卷

集賢院校理石君墓誌

三十卷

國子助教

河東薛君墓誌

二十卷

州縣官誌銘

中散大夫陝府左司馬李公墓誌三十卷中散大夫

河南尹杜君墓誌二十卷椰子厚墓誌三十卷河南少

尹裴君墓誌二十四卷河南少尹李公墓誌三十卷興元

少尹房君墓誌二十五卷幽州節度判官贈給事中清

河張君徹墓誌三十四卷太原府叅軍苗君墓誌二十五卷

貝州司法叅軍李君墓誌三十四卷虢州司戶韓府君

墓誌三十五卷貞曜先生墓誌二十九卷河南令張君墓誌

三十卷襄陽盧丞墓誌二十五卷

處士誌銘

處士盧君墓誌

三十卷
四卷

幼穉誌銘

盧渾墓誌

三十卷

韓滂墓誌

三十卷



金石例卷六